



## ЖАҲОН САЙЁҲЛИК ТАШКИЛОТИ БОШ АССАМБЛЕЯСИНИНГ 25-СЕССИЯСИ САМАРҚАНДАДА ЎТҚАЗИЛАДИ

БМТ Жаҳон сайёҳлик ташкилоти (ЮНВТО)нинг Мадрид шаҳрида штаб-квартирасида шу йил октябрь ойида Самарқанд шаҳрида ЮНВТО Бош ассамблеясининг 25-сессиясини ўтказиш тўғрисидаги БМТ ва Ўзбекистон Ҳукумати ўртасидаги қелишувни расмий имзолаш маросими бўлиб ўтди.

### Биз ва жаҳон

Келишувни расмий имзолаш маросими Ўзбекистон делегациясининг Испанияга таширифи доирасида ташкил этилди. ЮНВТО номидан ҳужжатни ташкилот Бош котиби Зураб Пололикашвили, Ўзбекистон томонидан табиат ресурслари вазири Азиз Абдуҳақимов имзолади. Тадбир давомида ЮНВТО билан Ўзбекистон Маданият ва туризм вазирлиги ўртасида Самарқанд шаҳрида ЮНВТО билан ҳамкорликда Халқаро туризм ака-

демиясини ташкил этиш тўғрисида ўзаро Англашув меморандуми ҳам имзоланди. Шунингдек, учрашув чоғида "Eriell Group" компанияси раҳбари Бахтиёр Фазилов халқаро туризмни ривожлантиришга қўшган алоҳида ҳиссаси учун ЮНВТОнинг эътироф белгиси билан тақдирланди. ЮНВТО Бош котиби Зураб Пололикашвили ўз нутқида Самарқандда бўлиб ўтадиган глобал тадбир, шубҳасиз, туризм

оламида тарихий воқеа бўлишини таъкидлади. "Ўзбекистон — Марказий Осиёнинг юраги, улкан илмий, маданий ва меъморий мероснинг сақловчиси. Бугун Ўзбекистон жадал тараққий этаётган, иқтисодий тез суръатларда ривожланаётган, ўзининг қудратли салоҳиятини дунёга очаётган мамлакатдир. Тадбиркорлик ташаббусларини амалга ошириш учун қулай шарт-шароитлар шаклланаётганини яққол кузатмоқдамиз, бунинг натижасида ташқи ва ички туризмга бўлган талаб жадал суръатлар билан ошиб бормоқда. Ўзбекистон сайёҳлик соҳасида тан олинган етакчи давлатлардан биридир. Шу билан бирга, мамлакатнинг туризм соҳаси энг ёш тармоқлардан бири бўлса-да, ўз ривожланишида кўплаб со-

ҳалардан олдинда", деди Зураб Пололикашвили. ЮНВТО раҳбари, шунингдек, 2022 йилнинг 7 ноябрь куни бўлиб ўтган Ўзбекистон Президенти Шавкат Мирзиёев билан учрашувини мамнуният билан эсга олди. "Ўзбекистон Президенти ҳуқуқ билим эгаси ва туризм масалаларини жуда яхши тушунади. Унинг раҳнамолигида Ўзбекистонда амалга оширилаётган ислохотларни қатъий қўллаб-қувватлашимни ҳамда Самарқанд шаҳрида бўлиб ўтадиган ЮНВТО Бош ассамблеясининг 25-сессияси муносиб савияда ўтишига ишонч билдирмоқчиман", деди ЮНВТО Бош котиби.

«Дунё» АА.  
Мадрид

### Сенат ялпи мажлиси олдидан

## МАРКАЗИЙ БАНК ТОМОНИДАН САМАРАЛИ ПУЛ-КРЕДИТ СИЁСАТИ ОЛИБ БОРИЛМОҚДА



Кеча Олий Мажлис Сенатининг Халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитаси мажлиси бўлиб ўтди. Сенаторлар, манфаатдор вазирлик ва идоралар вакиллари, мутахассислар, оммавий ахборот воситалари ходимлари иштирок этган тадбирда Сенатнинг навбатдаги ялпи мажлисида қўриб чиқиладиган масалалар дастлабки тарзда муҳокама қилинди.

Мазкур жараёнда Ўзбекистон Марказий банкнинг 2022 йил якунига доир ҳисоботиغا эътибор қаратилди. Қайд этилганидек, Марказий банк ташқи шоклар ва жаҳон иқтисодий беқарорлигининг банк тизимига салбий таъсири ва банкларда кредит рисклари ўсиши таъсири туфайли юқори инфляция босими остида фаолият олиб борди. Яъни ушбу молия муассасаси томонидан инфляция рискларининг олдини олиш ва миллий валюта барқарорлигини таъминлаш имконини берадиган самарали пул-кредит сиёсати олиб борилмоқда.

Иқтисодий таъминот молиялаштиришга ҳусусий инвестицияларни жалб этишни рағбатлантириш ҳамда ҳўжалик юритувчи субъектларнинг ишлаб чиқариш самарадорлигини ошириш, юқори қўшимча қўйматга эга янги инвестиция лойиҳаларини молиявий қўллаб-қувватлаш бўйича ишлар изчиллик билан давом эттирилаётгани ҳам таъкидланди. Хусусан, аҳоли ва тадбиркорлик субъектларини молиявий қўллаб-қувватлаш мақсадида 2023 трлн. сўм миқдорида кредитлар ажратилиб, хорижий кредит линиялари ҳисобидан тадбиркорлик субъектларининг умумий қиймати 2,1 млрд. долларлик 13 минг 100 та лойиҳасига кредит ажратилди. Шу билан бирга, сенаторлар инфляция даражасини янада пасайтириш, фуқаролар мурожаатлари билан ишлашни қучайтириш зарурлигига эътибор қаратди. Муҳокама якунлари бўйича қўмитанинг тегишли қарори қабул қилинди.

«Халқ сўзи».

### Ўзбекистон Республикаси Олий Мажлиси Сенатининг қирқ биринчи ялпи мажлиси очилиши тўғрисида

Ўзбекистон Республикаси Олий Мажлиси Сенатининг қирқ биринчи ялпи мажлиси 2023 йил 1 июнь куни соат 10:00 да Тошкент шаҳрида Олий Мажлис Сенатининг мажлислар залида ўз ишини бошлайди. Ялпи мажлис видеоқонференцалоқа тарзида жорий йилнинг 1-2 июнь кунлари ўтказилиши режалаштирилган. Ялпи мажлис Сенатнинг "YouTube" тармоғидаги саҳифаси орқали тўғридан-тўғри ёритиб борилади.

## ҲАМКОРЛИКНИНГ МУҲИМ ЙЎНАЛИШЛАРИ КўРИБ ЧИҚИЛДИ

Олий Мажлис Сенати Раиси Танзила Норбоева Европа Иттифоқи (ЕИ)нинг Марказий Осиё бўйича махсус вакили Терхи Хакала ҳамда терроризмга қарши кураш бўйича мувофиқлаштирувчиси Илкка Салми билан учрашди.

### Мулоқот

Мулоқотда Ўзбекистоннинг Европа Иттифоқи билан муносабатларининг турли йўналишлари, хусусан, парламентлараро алоқаларни ривожлантириш, инсон ҳуқуқ ва эркинликларини таъминлаш, терроризм ва экстремизмга қарши кураш соҳасидаги ҳамкорлик масалалари муҳокама қилинди. Сенат Раиси Ўзбекистон ва Европа Иттифоқи

ўртасидаги кўп қиррали ҳамкорликнинг бугунги юксак даражаси ва натижадорлигини мамнуният билан қайд этди. Барча даражадаги фаол мулоқотлар, хусусан, Европа Кенгаши, ЕИ комиссияси ва Европа парламенти вакилларининг юртимизга, ҳукумат ва парламент вакилларининг эса Европа Иттифоқида таширфлари амалга оширилаётганига алоҳида ургу берилди.



## ПАХТА-Тўқимачилик саноатига ХАЛҚАРО СТАНДАРТЛАР ТАТБИҚ ЭТИЛАДИ

Тошкент тўқимачилик ҳафталиги доирасида "Тўқимачилик саноатида ижтимоий тадбиркорлик" мавзусида форум ташкил этилди.

### Анжуман

Тадбирда Олий Мажлис Сенати Раиси, Одам савдосига ва мажбурий меҳнатга қарши курашиш миллий комиссияси раиси Т. Норбоева, вазирлик ва идоралар раҳбарлари, ийрик халқаро компаниялар ҳамда хорижий давлатлар иш берувчилар конфедерациялари,

Ўзбекистондаги дипломатик ваколатхоналар ва халқаро ташкилотлар вакиллари қатнашди. Анжуманда тўқимачилик саноати корхоналари ижтимоий масъулияти, жумладан, ишчилар ҳуқуқларини ҳимоя қилиш, меҳнат шартларини яхшилаш ва ишлаб чиқаришнинг экологик барқарорлигини таъминлаш масалаларига алоҳида эътибор қаратилди.



### Мушоҳада

Мамлакатимизда бола ҳуқуқларини таъминлаш, уларнинг талаб ва эҳтиёжларини қаноатлантириш, соғлигини асраш, иқтидор ва салоҳиятларини тўлиқ намоен этиш имкониятларини кенгайтиришга давлат сиёсати даражасида эътибор қаратилмоқда. Мактабгача таълим тизими бутунлай янги асосда ривожлантирилаётгани сўзимизга исбот. Президентимиз таъбири билан айтганда, болаларни кичик ёшдан бошлаб ривожлантириш, уларнинг ўқиши учун муносиб шарт-шароитлар яратиш орқали келажакда ёшларнинг ўзлигини тўла намоен этишига мустаҳкам замин яратилаётир. Зеро, бу каби эзгу мақсад йўлида сарфланган инвестициялар эртага бир неча баробар ортиги билан қайтишига шубҳа йўқ.

# ФАРЗАНДИНГИЗНИ ВИРТУАЛ ОЛАМГА «АСИР» ҚИЛМАНГ

Ўзбекистон бола ҳуқуқлари оид бешта халқаро конвенцияга қўшилган. БМТнинг Бола ҳуқуқлари тўғрисидаги халқаро конвенциясида назарда тутилган мақсад ва вазифалар ҳаётга изчил татбиқ этиляпти. Конституциямиз ва бошқа қатор қонунлар асосида вояга етмаганларнинг ҳуқуқлари таъминланмоқда. Жумладан, "Бола ҳуқуқларининг қа-

волатлари тўғрисида", "Болаларни уларнинг соғлиғига зарар етказувчи ахборотдан ҳимоя қилиш тўғрисида"ги Ўзбекистон Республикаси қонунлари ёш авлодни мажбурий меҳнатга жалб этмаслик, уларни ҳар томонлама ҳимоя қилиш, турли таҳдид ва маънавий хужурлардан асрашга хизмат қилади.

Ривожланган давлатлар томонидан болаларни соғлиғи ва тарбиясига салбий таъсир кўрсатувчи ахборотлардан ҳимоя қилишда носоғлом ахборот оқимининг олдини олиш, бартараф этиш ва унга қарши курашишнинг қонуний асослари яратилган. Бу борада халқаро амалиётдаги "Кибер жиноятлар тўғрисида"ги конвенция, Европа Иттифоқи тасвия-

лари, "Вояга етмаганлар учун хавфсиз интернет ва онлайн ресурсларни жорий қилиш тўғрисида"ги, Германиянинг "Ёшларни ҳимоялаш тўғрисида"ги, Литваннинг "Вояга етмаганларни оммавий ахборотнинг салбий таъсиридан ҳимоялаш тўғрисида"ги қонунлар ва бошқа ҳужжатларни келтириш мумкин.



## ЎЗБЕКИСТОННИНГ ТАРИХИЙ ҲУЖЖАТЛАРИ ЮНЕСКО «ЖАҲОН ХОТИРАСИ» РЕЕСТРИГА КИРИТИЛДИ

Париж шаҳрида жойлашган ЮНЕСКО бош қароргоҳида бўлиб ўтган Ижроия кенгашининг 216-йигилиши доирасидаги якуний ялпи мажлисда алоҳида резолюция билан 64 та ҳужжат тўплами, шу жумладан, Ўзбекистон бошчилигида илгари сурилган икки ҳужжат ЮНЕСКО "Жаҳон хотираси" реестрига киритилди.

### Эътироф

Маълумот тариқасида қайд этиш жоизки, 1992 йилда ЮНЕСКО томонидан ташкил этилган "Жаҳон хотираси" реестри ҳужжатли мерос — қоғоз, аудиовизуал, рақамли ёки бошқа ҳар қандай форматдаги муҳим ва доимий қийматга эга бўлган ҳужжатлар ёки ҳужжатлар тўпламининг қайтариб бўлмайдиган йўқотилишининг олдини олиш, авайлаб асраш ва кенг жамоатчилиikka етказишга қаратилган дастур ҳисобланади. Бугунги кунда мазкур реестрга киритилган тўпламларнинг умумий сони 494 тани ташкил этади.

Реестрга киритилган ҳужжатлар қуйидагилар:

— Бухоро амирлигининг қушбеги маъмурияти архивлари тўплами (Ўзбекистон томонидан тақдим қилинган). Ушбу тўплам Марказий Осиё ҳукмдорларининг Бухородаги энг йирик архивлари йиғиндиси. Унда ҳозирги Ўзбекистон, Туркменистон, Тожикистон, қисман Афғонистон ҳудудида 200 йилдан ортиқ вақт давомида содир бўлган тарихий воқеалар акс этган ҳужжатлар ўрин олган. Архивда Бухоро амирлигининг Россия, Буюк Британия, Туркия, Эрон, Афғонистон, Япония, АҚШ ҳамда Хива ва Кўкон хонликлари билан дипломатия алоқалари ҳақида ҳам муҳим маълумотлар бор. Ҳозирги пайтда Ўзбекистон Республикаси Марказий давлат архивида сақланаётган тўплам араб, форс, ўзбек чигатойи, рус ва бошқа тилларда ёзилган 9,5 мингга яқин жилдан (200 мингга яқин алоҳида ҳужжат) иборат.

— Мавлоно қулиёти — XII асрда яшаган буюк сўфий устозлардан бири ҳисобланган шоир, файласуф, олим ва



илоҳиётчи Мавлоно Жалолиддин Румий асарларининг тўлиқ тўплами. Ўзбекистон ва Болгария, Германия, Эрон, Тожикистон ва Туркия томонидан тақдим этилган. Қулиёт файласуфининг тўлиқ асарларини ўз ичига олади: "Маснавий", "Дивонэ Шамс", "Фихе ма фик" ("Мусобақалар"), Мажалеси Саба ("Етти ваъз"), Мактубат ("Мактублар"). Мавлононинг барча асарлари форс тилида ёзилган, бироқ уларнинг баъзилари араб, турк ва юнон иборалари ҳам мавжуд. Улар дунё бўйлаб минглаб кўлэзма нусхалари билан кўплаб тилларга таржима қилинган. Бу асарлар Шарқ мамлакатлари халқлари тарихи ва маданиятини ўрганиш нуктаи назаридан жуда катта илмий аҳамиятга эга.

Ушбу ҳужжатлар ЮНЕСКО Жаҳон хотираси реестри учун ҳам жуда муҳим осоратикга ҳисобланади. Авваламбор, Ўзбекистон билан боғлиқ асарлар номлари ва улар ҳақида маълумотлар халқаро даражада абадийлаштирилди. Бундан ташқари, реестр юқорида қайд этилган тўпламларнинг дунё бўйлаб янада оммалашшига, жумладан, улар бўйича илмий тадқиқотлар сони янада ошишига хизмат қилади.

«Дунё» АА.  
Париж

### Парламент назорати

## МАКТАБЛАРДА ҚўШИМЧА ўқувчи ўрнини кўпайтириш ишлари қай аҳволда?

Мактабларда қўшимча ўқувчи ўрнини яратиш ҳамда таълим масканларининг моддий-техника таъминотини мустаҳкамлаш борасида амалга оширилаётган ишлар юзасидан депутатлар Ўзбекистон Республикаси мактабгача ва мактаб таълими вазири Ҳ. Умарованинг Қонунчилик палатасининг парламент сўровига жавобини муҳокама қилди.

Таъкидланганидек, ўтган йилда ижтимоий ва ишлаб чиқариш инфратузилмасини ривожлантириш дастурлари доирасида 341 та, "Обод қишлоқ" ва "Обод маҳалла" дастурлари ижроси доирасида 257 та, маҳаллий бюджет ва ҳомийлик маблағлари ҳисобидан

70 та умумтаълим мактабини қуриш, реконструкция қилиш ва мукамал таъмирлаш ишлари амалга оширилди. Натижада 141 765 та янги ўқув ўрни ва мавжуд 198 мингдан ортиқ ўқувчи ўринли бино-иншоотлар замонавий қиёфага келтирилди.



# ҲАМКОРЛИКНИНГ МУҲИМ ЙЎНАЛИШЛАРИ КЎРИБ ЧИҚИЛДИ

— Биз Ўзбекистон ва Европа парламенти ўртасидаги парламентлараро алоқаларни ривожлантиришда кузатилаётган ижобий динамикани давом эттириш тарафдоримиз. Бу борада “Ўзбекистон — Европа Иттифоқи” парламент ҳамкорлиги қўмитаси доирасида ташкил этилган мулоқот муҳим ўрин тутди, — дея таъкидлади Т. Норбоева.

Ўз навбатида, Терхи Хакала қабул учун миннатдорлик билдириб, Ўзбекистон “Европа Иттифоқи — Марказий Осиё” форматидан фаол иштирок этаятгани, савдо-иқтисодий ва сармовияй алоқаларни кенгайтириш, Европанинг етакчи компанияларини мамлакат-

## ПАХТА-ТЎҚИМАЧИЛИК САНОАТИГА ХАЛҚАРО СТАНДАРТЛАР ТАТБИҚ ЭТИЛАДИ

Форум иштирокчилари тўқимачилик саноатида ижтимоий тадбиркорликни изчил ривожлантириш муҳимлигини таъкидлаб, иқтисодиётнинг мазкур тармогини қўллаб-қувватлашга тайёр эканлигини билдирдилар.

Сенат Раиси ўз сўзида кучли сиёсий ирода туфайли Ўзбекистонда меҳнат муносабатлари тизими тубдан ислоҳ қилингани, фуқаролик жамияти вакиллари ва ҳамкор ташкилотлар, хусусан, Халқаро меҳнат ташкилоти билан самарали алоқалар йўлга қўйилганини таъкидлади. Шунингдек, соҳанинг қонунчилик ва ташкилий-ҳукукий базаси шакллантирилгани, ходимлар ҳамда иш бевуқчиларнинг ҳуқуқ ва мажбуриятлари нисбатини янада мувозанатли, тенг давда мустақамлангани алоҳида айтиб ўтилди.

Конференцияда ишчилар ҳуқуқларини ҳимоя қилиш, бизнеснинг ижтимоий масъулияти ва атроф-муҳит барқарорлигини таъминлаш, тўқимачилик саноатида ижтимоий тадбиркорликни ривожлантириш ва унинг мамлакатнинг иқтисодий ўсиши ва барқарор ривожланишига таъсири масалалари ҳам муҳокама марказида бўлди.

Халқаро меҳнат ташкилоти ҳамда Халқаро молия корпорациясининг тикувчилик саноатида муносиб меҳнат стандартлари ва тадбиркорликни ривожлантиришга қаратилган “Better work” қўшма дастурини Ўзбекистонда татбиқ этиш, ишлаб чиқаришнинг экологияга таъсирига камайтириш борабарида ходимлар ижтимоий ҳимоясини қўлайитиришга, меҳнат муносабатларини халқаро стандартлар асосида тақомиллаштириш ҳамда муносиб ва хавфсиз меҳнат шaroитларини яратишга хизмат қилади.

Қолаверса, Ўзбекистон пахта-тўқимачилик саноатида инвестициявий муҳитни яхшилаш ҳамда соҳага дунё тўқимачилик саноатида тан олинган брендларнинг кириб келишига, энг асосийси, қўллаб иш ўринлари яратишига имкон яратди.

«Халқ сўзи».

## 31 май — Халқаро чекишга қарши кураш кунини

# ЭНГ КАТТА БОЙЛАК — САЛОМАТЛИК

Тамаки маҳсулотлари, жумладан, сигаретанинг инсон саломатлигига жиддий зарар etkazishi барчамизга маълум. Шу боис мамлакатимизда халқимиз саломатлигини муҳофаза қилиш, соғлом турмуш тарзини қарор топтириш, айниқса, навқирон авлод вакилларининг ушбу иллатга ружу қўйишининг олдини олиш борасида кенг тарғибот-ташвиқот ишларини олиб бориш мунтазамлик касб этган.

Ҳар йили 31 май — Халқаро чекишга қарши кураш кунини сифатида кенг нишонлаб келинади. Ушбу сана муносабати билан Соғлиқни сақлаш вазирлиги ва тегишли ташкилотлар билан ҳамкорликда турли тадбирлар ташкил этилиб, уларда тамаки истеъмол қилиш инсон саломатлигига қанчалик хавф солиши ҳақида аниқ миқдорлар ва ҳаётий воқеалар асосида маълумот бериб келинаётгани ўз самарасини бермоқда.

Яна бир муҳим жиҳат, яқинда “Алкоголь ва тамаки маҳсулотларининг тарқатилиши ҳамда истеъмол қилинишни чеклаш тўғрисида”ги Ўзбекистон Республикаси Қонуни янгиланиб, Президентимиз томонидан им-

золангани ҳам бу борадаги ишларнинг маъنيқий давомини бўлди.

Мазкур Қонун фуқароларнинг, энг аввало, йигирма бир ёшга тўлмаган шахсларнинг соғлигини алкоголь ва тамаки маҳсулотларини истеъмол қилишнинг зарарли таъсиридан, бу билан боғлиқ ижтимоий ва бошқа салбий оқибатлардан ҳимоя қилишга, шунингдек, жамиятда соғлом турмуш тарзини шакллантириш ҳамда қарор топтириш учун ташкилий ва ҳуқуқий шарт-шaroитларни яратишга қаратилган.

Ҳўш, кечикиннинг инсон саломатлигига, унинг ҳаётига қандай зарарлари бор? Умуман, ушбу иллатдан воз кечиш учун нима қилиш керак?

# ТАЪЛИМ СИФАТИНИ ОШИРИШ — ЯНГИ ЎЗБЕКИСТОН ТАРАҚҚИЁТИНИНГ ЯГОНА ВА ТЎҒРИ ЙЎЛИ

Бугун замонавий ҳаётни илм-маърифат ва таълимнинг тараққийетисиз тасаввур этиш қийин. Шу боис кейинги йилларда мамлакатимизда таълим-тарбия тизимини ривожлантириш давлат сиёсати даражасига кўтарилиб, ёшларнинг жаҳон андозаларига мос шaroитларда замонавий билим ва касб-хунарларни эгаллаши учун барча куч ва имкониятлар сафарбар этилди.

## Фикр

Ҳаётга татбиқ этилаётган ислохотлар натижасида ўтган қисқа даврда мактабга таълим, олий ва ўрта махсус таълим тизими катта ўзгаришларга юз тутди. Охириги йилларда юртимизда гўшаларида янги замонавий мактаблар қурилди. Қўрлар эса реконструкция қилиниб, тубдан таъмирланди.

Бундан ташқари, охириги етти йилда юртимизда таълим тизимини комплекс ривожлантириш, малакали кадрлар тайёрлашга катта куч ва маблағ йўналтирилди. Айниқса, ўқитувчилар, устоз-мураббийларга бўлган муносабат ўзгарди. Уларнинг машаққатли меҳнатини муносиб рағбатлантириш, иш ва турмуш шaroитини яхшилаш, жамиятдаги обрў-эътиборини оши-



ришга алоҳида аҳамият берилди. 2020 йилда “Таълим тўғрисида”-ги Қонуннинг қабул қилингани давлатимизнинг шу борадаги мақсадларини аниқ ифодалаб берди. Ушбу ҳужжатда таълим соҳасидаги асосий принциплар, таълим тизими, турлари ва шакллари аниқ белгиланган бўлиб қўйилди. Ушбу ҳужжат навқирон авлоднинг замонавий билимлар, касб-хунар эгаллашлари ҳамда сифатли таълим олишининг ҳуқуқий

## СОЦИОЛОГИК ТАДҚИҚОТЛАР — ДАВР ТАЛАБИ

Ёшлар — ҳар доим жамиятнинг ҳаракатлантирувчи кучи, мамлакатнинг келажагини белгилаб берадиган, истиқболда ҳал қилувчи роль ўйнайдиган фаол қатлами бўлиб келган. Уларнинг қизиқиш ва интилишлари, мақсадлари, орзулари, жамият ва давлат даражасида юз бераётган воқеа-ҳодисаларга муносабати, дахлдорлик даражасининг қандай бўлиши шу мамлакатнинг истиқболини белгилаб берадиган муҳим омиллардан биридир.

## Таклиф

Умуман, давлат ва жамият тараққийетининг устувор йўналишларини аниқ белгилаш, стратегик мақсадларга аниқлик киритиш, муҳим қарорлар қабул қилишда ҳам айнан ёшларнинг ижтимоий-сиёсий фаоллиги, қайфияти, эҳтиёжларидан келиб чиқиб аниқланган муносабатларни ҳисобга олиш заруратини таъкидлаш мумкин.

Мамлакатимизда ёшларга оид давлат сиёсатининг устувор йўналишлари аниқ белгиланган бўлиб келган. Жумладан, навқирон авлоднинг ҳуқуқлари, эркинликлари, қонуний манфаатларини таъминлаш, ҳаёти ва соғлигини сақлаш, маънавий, интеллектуал, жисмоний ва ахлоқий жиҳатдан камол топишга қўмаклашиш, йигит-қизларга муайян қарорлар, фуқаролик туйғуси, бағрикенглик, қонунларга, миллий ва умуминсоний қадриятларга ҳурмат руҳида, зарарли таъсирлар ва оқимларга қарши тура оладиган, ҳаётга қатъий ишонч ва қарашларга эга қилиб тарбиялаш, уларни ахлоқий негизларини бўзишга олиб келади халқ хатти-ҳаракатлардан, терроризм, экстремизм, сепаратизм, ўзравонлик ва шафқатсизлик ҳолатларидан ҳимоя қилиш, бандлиги учун шарт-шaroитлар яратиш муҳим вазифалар сифатида белгиланган.

Албатта, ушбу устувор вазифалар босқичма-босқич амалга ошириб келинмоқда. Таъкидлаш кераки, бу жараёнда ёшларнинг фаоллигига баҳо бериш, таҳлил қилиш, мониторинг ўтказиш, уларнинг ижтимоий-сиёсий жа-

асосини қафолатлашда муҳим аҳамият касб этди. Айни чоғда тизимдаги мавжуд муаммоларни бартараф этишга, уни тубдан тақомиллаштиришга, таълим сифатини яхшилашга ва халқро ҳамжамият билан уйғунлашган ҳолда олиб боришга кенг имкониятлар яратиб берапти.

Бу ислохотлар ҳали қўзланган марранинг бир қисми ҳолос. 2022 — 2026 йилларга мўлжалланган Янги Ўзбекистоннинг тараққийет стратегиясида белгиланган мақсадларда ҳам таълим соҳасига кенг ўрин берилган.

Хусусан, унда иқтидорли ўқитувчиларнинг иш ҳақларини малака тоифасига қараб табақалаштирилган ҳолда ошириб бериш, ўқитувчиларга малака тоифаларини бериш тартибини тубдан қайта қўриб чиқиш ҳамда малакани баҳолаш методикаси асосида адолатли ва шаффоф тизимни жорий этиш ўз ифодасини топган.

Сирасини айтганда, бугун юртимизда ўқитувчиларга эътибор, муносабат тубдан ўзгарди. Ўқитувчиларнинг олийк маоши муттасил ошириб боришда, уларга имтиёзли истеъмол кредитлари бериш, олис ҳудудларга бориб ишлаётган



рилган таҳлил натижаларини ва ҳулосаларни умумлаштириб, умумдавлат миқёсида муҳим стратегик йўналишларни белгилаб беришга қодир давлат ёки нодавлат ҳамда мустақил аналитик тадқиқот марказлари (институтлари) мавжуд эмас.

Шу маънода, бугунги глобализм шароити ва мамлакатимизда амалга оширилаётган ислохотлар фонида ёшларнинг орзу-истаклари, интилишлари, муаммолари, эҳтиёжларини мунтазам равишда ўрганадиган ва мукаммал социологик тадқиқотлар ўтказадиган ҳамда олинган ҳулосалар асосида навқирон авлоднинг ижтимоий-сиёсий фаоллигига реал баҳо бера оладиган марказ фаоллияти йўлга қўйилиши лозим.

Ушбу марказ давлат ва мақсадли грантлар билан молиялаштириладиган, малакали мутахассисларни ўзида жамлаган, ҳар бир ҳудудда мавжуд олий таълим муассасалари базасида ўз бўлимларига ҳамда кенг миқёсда ва оммавий равишда социологик тадқиқотлар ўтказишга ихтисослаштирилган, олинган натижаларни мунтазам таҳлил қилиб борадиган, мавжуд хавф-хатарлар, зиддиятлар, қарама-қаршиликларни, аҳоли ва ёшларнинг келгусидаги ижтимоий қайфиятини прогноزلаштирадиган, барқарорлик шартлари ва қафолатларини белгилаб беришга хизмат қиладиган имкониятларга эга бўлиши лозим.

Албатта, ушбу марказ замонавий АКТ имкониятларидан келиб чиқиб рақамлаштирилган форматдаги платформа орқали бошқарилади. Бунда марказий таҳлил (аналитик) гуруҳи муҳим муаммолар ва масалалар юзасидан ижтимоий сўровномалар ўтказиш шакли ҳамда саволларни тузиш, респондентлар таркибига аниқлик киритиш билан шуғулланади.

Платформада аҳоли ва ёшларга оид барча демографик ҳамда

статистик маълумотлар ҳудудлар кесимида шакллантирилади, саволномалар базаси жойлаштирилади.

Бу жараёнда турли ташаббускор гуруҳлар (жумладан, ёшлар ташкилотлари, ОАВ вакиллари, блогерлар, жамоатчилик) томонидан билдирилган таклиф ва мулоҳазалар асосида сўровномалар мазмун-моҳиятига қўшимча ўзгаришлар киритиб борилади. Ўз навбатида, барча ҳудудда ўтказилган оммавий ўрганишлар натижалари марказий таҳлил (аналитик) гуруҳи, “Ақл маркази”-га қайта юборилади.

Олинган натижалар таҳлил қилиниб, тизимлаштирилади, тегишли ҳулосалар тайёрланади ва тегишли амалий чоралар белгилаш бўйича тегишли ваколатли ташкилотларга таклиф киритилади.

Албатта, билдирилаётган ушбу таклифни амалиётга татбиқ этиш осон ва оддий жараён эмас. Аммо бугунги кунда халқро миқёсдаги ижтимоий-сиёсий воқеалиқлар, турли геосиёсий зиддиятлар фонида мавжуд эҳтиёжлар ва ижтимоий заруратдан келиб чиқиб мазкур таклифнинг қўллаб-қувватлиниши ва шу асосда тегишли чоралар белгиланиши мақсадга мувофиқдир.

Юсуф АБСОЛТОВ,  
Тошкент давлат техника университети хузуридаги Ўзбекистон — Япония ёшлар инновация маркази директори.

гареталарни чекиш соғлиқ учун хавфли эканлиги ҳақида огоҳлантириб, бу зарарли одатдан йироқ бўлишга қақиради.

Тамакидан воз кечишнинг юздан ортиқ усуллари мавжуд. Психологлар фикрига кўра, чекишни ташлаш жараёнида энг қийини дастлабки уч кунни бошдан кечирдиш.

Чекишдан воз кечиш тўғрисида қарор қабул қилган бўлсангиз, ижобий жиҳатлар ҳақида ўйланг. Асосий ва энг катта ютуқ — сизнинг соғлигингиз ва фаровонлигингиз.

Юқорида келтириб ўтилган рақамлар эса мамлакатимизда чекишга қарши курашиш бора-бора ишларни янада жадаллаштиришни тақозо этади. Албатта, бу йўналишда жуда кўп ишлар олиб бориляпти. Маҳалаларда тарғибот ишлари мунтазамлик касб этган.

Энг муҳими, ҳар бир инсон соғлом ва узоқ умр кечирishi учун, албатта, соғлом турмуш тарзига амал қилиши лозим. Эеро, соғлом турмуш тарзининг асосий тамойилларидан бири, бу — зарарли одатлардан воз кечиш.

Манзура МАТРАСУЛОВА  
ёзиб олди.

мустахкам ҳимояланишига хизмат қилади.

Албатта, мамлакатимизда таълим соҳасига бу даражада эътибор қаратилаётгани беҳиз эмас. Чунки таълим сифатини ошириш — янги Ўзбекистон тараққийетининг яккаю ягона тўғри йўли. Шундай экан, ҳар гал ҳудудларга бориладиган ўқитувчилар билан ҳам учрашиб, мавжуд муаммоларни биргаликда ҳал қилиш, уларга таълим сифатини яхшилаш бўйича гоёларини амалга оширишда қўмаклашиш биз, депутатлар олдида турган устувор вазифалардан бири саналади.

Умуман айтганда, кейинги олти йилда мамлакатимизда таълимни ривожлантириш давлат сиёсати даражасига кўтарилди. Ёш авлодни жисмонан бақувват, ўз қобилият ва истеъдодини рўёбга чиқара олишга қодир этиб тайёрлаш бўйича улкан ишлар қилинди. Эеро, бугунги сифатли таълим эртага малакали кадр, меҳр бериб тарбияланган фарзанд эса иммон-эътиқодли, соҳа ривожини таъминлайдиган масъулиятли раҳбар, демида.

Умидира РАҲМОНОВА,  
Олий Мажлис Қонунчилик палатаси депутати.

## МАКТАБЛАРДА ҚЎШИМЧА ЎҚУВЧИ ЎРНИНИ КЎПАЙТИРИШ ИШЛАРИ ҚАЙ АҲВОЛДА?

Жорий йилда ҳам бу борадаги амалий ишлар изчил давом эттирилади. Жумладан, жами 239 та умумтаълим мактабида қурилиш-таъмирлаш ишларини амалга ошириш белгиланган. Ушбу мақсадлар учун давлат бюджети ҳисобидан 1,45 триллион сўм маблағ йўналтирилиши режалаштирилган. Бунинг натижасида 76 120 та ўқувчи ўрни яратилади, мавжуд 28 225 та ўқувчи ўрни мукаммал таъмирланади.

Халқ таълими муассасаларининг моддий-техника базасини мустаҳкамлаш ҳамда уларнинг инфратузилмасини яхшилаш бўйича ҳам тизимий ишлар олиб боришмоқда.

Хусусан, ўтган йили республика бўйича жами 516 та умумтаълим мактаби умумий қиймати 172,6 миллиард сўмлик зарур моддий-техник база ҳамда анжомлар билан таъминлангани депутатлар томонидан эътироф этилди.

Парламент сўровига келган жавобда қайд этилишича, 2023 — 2025 йилларда 465 та умумтаълим мактабида қурилиш-таъмирлаш ишлари амалга оширилиши ва жиҳозлаш учун 300,0 миллиард сўм маблағ ажратилиши белгиланган.

Шу билан бирга, умумтаълим мактабларини 2022-2023 йиллар куз-қиш мавсумига пухта тайёрлаш мақсадида 1300 дан ортиқ объектларда жорий таъмирлаш ишлари амалга оширилиб, уларнинг иситиш тизимлари, иситиш қозонлари, биноларнинг том қисми таъмирланди, айримлари янгисига алмаштирилди.

Халқ таълими муассасаларини электр энергия сарфини камайтириш мақсадида 500 дан ортиқ мактабларга қайта тикланувчи энергия манбалари (қуёш панеллари ва қуёш сув иситиш қурилмалари) жорий қилинди.

Йиғилишда умумий ўрта таълим муассасаларини қуриш, реконструкция қилиш ва мукаммал таъмирлаш борасида белгиланган вазифалар ижросини охирига етказиш, намуначи ва кўп қаватли ҳамда аҳоли томонидан яқка тартибда қурилган массивлар ҳудудида ҳам янги мактаб бинолари барпо этиш лозимлиги таъкидланди.

Мажлисда халқ вакиллари парламенти сўровига келган жавобда кўтарилган масалалар бўйича батафсил маълумот тақдим этилганини эътироф этди ва вазирнинг жавоби маълумот учун қабул қилинди.

«Халқ сўзи».



# ҚАШҚАДАРЁДА МЕВА ВА УЗУМНИНГ НОЁБ НАВЛАРИ ҚАЙТА ТИКЛАНМОҚДА

Ўзбекистонга баҳо берилганда унинг шириндан шакар мевалари биринчи бўлиб тилга олиниши рост. Чунки серкүёш ўлкамизда етиштириладиган мева-чевалар шираси юқорилиги, мазаси бетакрорлиги билан ажралиб туради. Аммо заминимиз офтобида тобланиб, шакар богловчи сархил мева ва узум навларининг бугунга келиб бир қисми йўқолиб бораётгани ҳам бор гап. Ана шундай ноёб навлар чекка қишлоқ ёки олис тоғ ҳудудларидаги хонадонлардагина сақланиб қолган.

## ■ Агроиқтисодиёт: кеча ва бугун

Тан олиш керак, йўқолиб бораётган мева ва узумнинг ноёб навлари нафақат ҳуштанми, балки узок вақт сақлашга қулайлиги, новдалари совуққа ва иссиққа чидамлилиги билан муҳим аҳамиятга эга. Шахрисабзнинг тоғли ҳудудларида учрайдиган ҳар донаси ёнғоқдай келадиган “оломон-ўйди” узум нави, Қарши ва Косон туманлари хонадонларида екиладиган “олтинранг тугтиш”, “маска”, “чарос” каби ноёб узум ва олмурид, нашвати, нонолма каби мева навлари ҳам кун сайин камайиб бораётгани сир эмас.

Бугун мева ва узумнинг серхосил қадим навларини сақлаб қолиш, тиклаш ва кўчат тайёрлаш масалалари кун тартибига чиқмоқда. Шу мақсадда Қишлоқ ҳўжалиги вазирлиги, Академик Маҳмуд Мирзаев номидagi боғдорчилик, узумчилик ва виночилик илмий-тадқиқот институти ҳамда “Замин” халқаро жамоат фонди ҳамкорлигида Европа Иттифоқи ҳамда Жаҳон банки кўмагида Қарши туманидаги Богобод маҳалласи ҳудудида фойдаланилмай турган 5 гектар майдонда “Ҳосилдор замин” замонавий кўчатчилик мажмуаси ташкил этилди.

Мазкур мажмуа ҳудуд иқлимига хос, ноёб, йўқолиб кетиш хавфидagi мева, узум навларини тиклаш, янги истикболли пайвандтаг орқали маҳаллийлаштириш, экологик тоза кўчатхона яратиш ва ёшларни замонавий кўчатчиликка ўқитиш мақсадларини илгари сурди.

Ушбу мажмуада яратилган шароитлар ҳақида айтидиган бўлсак, комплекс учун ажратилган ернинг 1 гектарига замонавий иссиқхона барпо этилди. Қолган 4 гектари эса очик дала майдони ҳисобланади. Шунингдек, кўчатларни сақлаш учун совиткичли омбор ҳам ҳозирланди. Айтиш керакики, замонавий иссиқхонада аллақачон мева ва узумнинг ноёб, йўқолиб кетиш хавфи бўлган навлари пайванд қилиниб, кўчатлар етиштириш бошлаб обдорилди. Ушбу кўчатларни парваришдада органик ўғит ва биопрепаратлардан кенг фой-

даланиляпти. Шунингдек, 4 гектар очик далада томчилатиб сугориш технологияси орқали озиклантириладиган кўчат екиш майдони ҳам тахт ҳолатга келтирилди.

Қургоқчил минтақаларда мавжуд бўлган мева турларини сақлаб қолиш, уларни янги технологиялар асосида кенгайтириш лойиҳаси дастлаб Қашқадарё вилоятида намуна сифатида жорий қилинаётганининг ўзига хос сабаблари бор. Чунки воҳада қадимий, ноёб мева ва узум навларининг бир қисми сақланиб қолган. Ушбу маҳаллий навларни иссиқхона шароитида кўпайтириш, пайвандлаш ва уларни далада парвариллаш, екишга тайёр бўлганидан сўнг аҳолига етказиб бериш, фермерларга тақдим қилиш лойиҳанинг асосий мақсадларидан биридир.

Албатта, хорижий тажриба соҳа ривожига муҳим ҳисобланади. Шу боис ушбу лойиҳага Туркия, Италия ва Буюк Британия мутахассислари ҳам жалб қилинди.

Бу дастур йирик халқаро ташкилотлар томонидан қўллаб-қувватланаётгани ҳам бежиз эмас. Сабаби, айни жиҳат иқлим ўзгариши ва турли экологик омиллар билан боғлиқ, Бу экинларнинг иссиққа чидамлилиги учун ҳам уларни асраб-авайлаш мақсадга мувофиқ.

Олимлар, соҳа мутахассислари, илмий-тадқиқот институти масъул ходимлари, уста боғбонлар ва соҳага қизиқувчи ёшлар кўчатчилик мажмуасида амалга оширилаётган ишлар тақдироти билан ақидан танишдилар. Уларга кўчат етиштириш технологияси ва агротехник тадбирларни сифати ўтказиш, ўсимликларни турли зараркунанда ва ҳашаротлардан ҳимоя қилиш бўйича маълумотлар берилди. Мўқобил энергиядан ҳамда сувни тежовчи технологиялардан фойдаланишининг самаралари ҳақида сўз юритилди.

— Лабораториямиз “in-vitro” деб аталади, — дейди мажмуадаги биотехнология лабораторияси ходими Абдурахмон Аллаев. — “In” ички, “vitro” муҳит, яъни сунъий шароитда шиша идишларда ўсимликларнинг

ҳужайра ва тўқималарини кўпайтириш маъносини англатади. Бунда донор пайвандтаглар танланади. Мисол учун шафтоли пайвандтагига маданий ўсимликларни улаймиз, яъни ҳосилдор, таъми яхши ёки қайсидир яхши хусусиятларини намоён этган ўсимликлар танланади.

Бу микрокўпайтириш жараёни орқали битта ўсимликдан мингта ёки ўн минглаб материал олишимиз мумкин. Иккинчидан, улар мавсум танламайди. Қишдаям, ёздаям, баҳордаям лабораторияда кўпайтириш мумкин. Коэффициенти жудаям юқори. Битта ўсимликни аънаваний усулда данагидан

Бу ҳали ҳаммаси эмас. Фаол тингловчилар кўчатчилик мажмуасига ишга қабул қилинади, олий таълим муассасаларига йўлланма асосида имтиҳонсиз ўқишга қабул қилишга тавсиянома берилади. Айни мақсадда ушбу ҳудуддаги “ёшлар дафтари” ва “аёллар дафтари”даги ҳамда соҳага қизиққан йигит-қизлар бу ерда кунт билан сабоқ олишмоқда.

— Кўчат етиштиришга жуда қизиқман, — дейди Богобод маҳалласида яшовчи Зарнигор Файзиёева. — Шунинг учун ҳам танловдан муваффақиятли ўтиб, ўқишга қабул қилиндим. Ўзим маҳаллий кўчат етишти-

— Бу лойиҳанинг мақсади маҳаллий ўсимликларнинг ўзига хос жиҳатларини ўрганиш, мазали таъмга эга маҳаллий навларни асраб-авайлаш ва келгуси авлодга етказишдан иборат, — дейди Европа Иттифоқининг қишлоқ ҳўжалигини қўллаб-қувватлаш ва билимларни ошириш дастури бош маслаҳатчиси Марк Холдернесс. — Уларни турли зараркунанда ва ҳашаротлардан ҳимоя қилиш, ноёб навлардан фойдаланиш бўйича барча имкониятни ишга солиш муҳим жараён саналади. Бу орқали биз биологик хилмаҳилликни, она табиатни ва табиий ресурсларни асраган бўламиз. Бундай табиий ресурсларга дунёда ҳамиша талаб юқори бўлган. Ўзбекистонда қишлоқ ҳўжалиги соҳасида шундай маҳаллий экинларнинг ҳимояланиши бизни хурсанд қилди.

дан ёки қаламчасидан кўпайтириб, бир донга ўсимлик оладиган бўлсак, бу микроқаламчалардан бир неча минглаб кўчат етиштириш мумкин. Эски усулларда 100 гектар майдонда кўчат етиштиришмоқчи бўлсак, ўн гектар ерда бу ишни амалга ошириш талаб этилади. Лаборатория шароитида эса қўшимча ер ва маблағ керак бўлмайди.

Лойиҳанинг яна бир муҳим вазифаси, бу — ёшларни замонавий кўчатчиликка ўқитиш. Шу мақсадда мажмуа ҳудудида 20 ўринли енгил типдаги ўқув маркази барпо этилди. Унда бир мавсумда пайвандтагни етиштиришдан то тижоратлаштиришгача бўлган жараёنларни қамраб олган дастур асосида сабоқ олиб борилади. Ҳозирги кунда сўровнома асосида танланган 20 нафар йигит-қиз таҳсил олмақда. Дастур сўнгига ёшлар фаолиятини бошлаши учун кўчат ва асбоб-анжомлар бегараз тарқатилади ҳамда доимий ҳамкорлик сақлаб қолинади.

риш билан шуғулланганман, бу ерда эса кўчатчиликнинг илмий жиҳатларини пухта ўрганилмиз. Мақсадимиз — экологик тоза кўчат маҳсулотлари етиштириб, ҳам ички, ҳам ташқи бозорга чиқариш. Масалан, Бойсун олмаси илгари маҳалламизда кўп бўлган, ҳозир йўқолиб борапти. Бу олма сувли, есангиз мазаси озгин-гизда қолади, кейин дарахти совуқ ва иссиққа чидамли, узок муддат сақланиши билан ажралиб туради. Мана шундай йўқолиш арафасидаги навларни тиклаш мақсадида ушбу лойиҳа амалга оширилаётгани таҳсинга лойиқ. Таҳсилдан сўнг боғдорчилигига йўлга қўяман, тадбиркор бўламан. Қолаверса, шу соҳа бўйича олий ўқув юртида ўқиб, яхши мутахассис бўлишни мақсад қилганман.

Бўлажак мутахассисларга сабоқларни Академик Маҳмуд Мирзаев номидagi боғдорчилик, узумчилик ва виночилик илмий-тадқиқот институти илмий ходими Азимжон Қурбонов олиб бормоқда.

— Богобод маҳалласида яшовчи аёллар, “ёшлар дафтари”да рўйхатда турадиган йигит-қизларни саволнома асосида танлаб олдик ва уларни ўқув курсига жалб этдик, — дейди у. — Ўқуш муддати 10 ойга мўлжалланган. Шундан уч ойи назарий билимларни мустаҳкамлашга сарфланса, қолган етти ой амалиётга тўғри келади. Амалиёт пайтида улар далада боғдорчилик сирасорларини мутахассислардан пухта ўрганади. Яқунда тест синовларидан ўтгач, сертификат топширилади. Бундан ташқари, тингловчиларга қўшимча имтиёзлар ҳам берилади. Яъни тест синовларидан муваффақиятли ўтганлар ишга қабул қилинади. Ишга кира олмай қолганлар эса тадбиркорликка йўналтирилади. Бунинг учун зарур асбоб-ускуна ва боғ яратиш учун кўчатлар тақдим қилинади.

Лойиҳамизнинг энг муҳим жиҳатларидан бири, бу — тўртта муҳим элементни ҳисобга олган ҳолда, яъни кўчатчилик, ўсимликлар ҳимояси, органик боғдорчиликни йўлга қўйиш, мақбул қишлоқ ҳўжалиги амалиёти каби муҳим йўналишларни қамраб олган дастурлар жорий қилинмоқда. Ушбу хайрли ташаббус орқали кўчатхонада ҳар йили 200 минг донга мевали, 100 минг донга тоқ кўчатлари, шунингдек, 200 минг донга мавсумий гуллар етиштириш имконияти яратилади. Бундан ташқари, Қашқадарё вилояти шароитида йўқолиб кетиш хавфи остида бўлган қўллаб ноёб мева ва узум навлари тикланади, боғлар барпо қилинади.

— Бу ерга 70 минг туп пайвандтаг олиб келинган, — дейди Академик Маҳмуд Мирзаев номидagi боғдорчилик, узумчилик ва виночилик илмий-тадқиқот институти Қашқадарё илмий тажрибон институти бўлим бошлиғи Мусурмон Рўзимуродов. — Серхосил ва ноёб навларни излаб топиш учун ишчи гуруҳи тузилиб, вилоятларга чиқамиз. Август ойида қаламчалар олиб келиниб, куртак пайванд қилинади. Мажмуа 200 минг донга кўчат етиштиришга мўлжалланган.

Лойиҳадан учта мақсад қўзланган — йўқолиб кетаётган мева ва узум навларини тиклаш, экологик тоза кўчатхона яратиш ҳамда замонавий кўчатчиликка ёшларни ўқитиш. Шу мақсадда олтига мева ва узум навлари танлаб олинган. Яъни олма, нок, ўрик, шафтоли, анор ва узумнинг йўқолиш хавфи мавжуд навларини излаб топиш, кўпайтириш мақсад қилинган. Умуман, ҳосилдор, иқлим шароитига мос, иссиққа чидамли навларни сақлаб қолиш асосий мақсадимиздир.

Фахриддин БОЗОРОВ («Халқ сўзи»).

Реклама

## ЯНГИЛИКЛАР хабарлар

## ТАҒСИЛОТЛАР

## САНОАТЧИЛАР ФОРУМИ

Самарқанд шаҳрида ташкил этилган ҳудудий тармоқлараро саноат ярмаркаси ҳамда Самарқанд саноатчилари форумида 200 дан зиёд маҳаллий ишлаб чиқарувчилар мингдан ортиқ маҳсулот турлари билан иштирок этмоқда.

Тадбир давомида ўзаро манфаатли шартномалар тузилиши ҳамда хорижий ва маҳаллий инвесторлар билан ҳамкорлик келишувларига эришилиши режалаштирилган.

Ўз навбатида, саноат ярмаркаси ва форум доирасида ёшларнинг стартап лойиҳалари ва илмий ишланмалари намойиши ҳам ташкил этилади. “Ургут” эркин иқтисодий зонасида тадбиркорликни кенгайтириш мақсадида янги ер майдонлари бўйича ахборотлар берилади.

Шунингдек, “Самарқанд-геология” ДУК, вилоят божхона ҳамда инвестициялар, саноат ва савдо бошқармалари мутахассислари томонидан қонунчиликдаги ўзгаришлар, янги инвестициявий лойиҳалар тақдимотларини ўтказиш ҳам режалаштирилган.



Саноатчилар кўргазмаси давомида соҳага оид долзарб масалалар муҳокама-сига бағишланган амалий семинарлар ўтказиш ҳам мақсад қилинган.

Абдулазиз ЙЎЛДОШЕВ («Халқ сўзи»).

## МАРФИЛОН — ФОЛЬКЛОР ФЕСТИВАЛИ МЕЗБОНИ

Шу кунларда Марғилон шаҳрида жойлашган “Ижодкорлар боғи”да II “Буюк Ипак йўли” халқаро фольклор мусиқа фестивали бўлиб ўтмоқда.

Фестивалнинг тантанали очилиш маросимида кейинги йилларда мамлакатимизда тарихий аъналар, миллий қадриятлари авайлаб-асраш ва дунёга кенг тарғиб қилиш борасида қўлдамли савй-ҳаракатлар амалга оширилаётгани қайд этилди. Айни жараёнда халқ кимизининг қадим тарихга эга фольклор санъатини замонавий мезонлар бўйича ривожлантиришга катта эътибор қаратиляпти.

— Фестивалда юртимизнинг барча ҳудуди, шунингдек, қўшни Қозғистон ва Қирғизистондан 20 га яқин ижодий жамоалар, 200 нафар халқ икхидёти намояндалари, санъат ва маданият арбоблари ҳамда фольклор жамоалари жалб этилган, — дейди Фарғона вилояти ҳокими ўринбосари Хуршид Аҳмедов. — Бу мазкур фестивалга бўлган қизиқиш илдан-йилга ошиб бораётганидан далолатдир.

Маданият тадбири уч кун давом этиб, унинг доирасида адабий-бадий кечалар, ижодий учрашувлар, маҳорат дарслари, хорижий ва Ўзбекистон фольклор жамоаларининг халқаро кўрик-танлови ҳамда халқ сайиллари ўтказилиши режалаштирилган.

Муסיқий анжуман тантанали тақдирлаш маросими ва гала-концерт билан аяқланади.

Фестивалнинг очилиш маросимида Халқаро туркий маданият ташкилоти — ТУРКСОЙ Бош котиби Султон Раев иштирок этди.

Ботир МАДИЁРОВ («Халқ сўзи»).

## ЯНА БИР ГУЛЛАР МАРКАЗИ ИШ БОШЛАДИ



Наманган вилоятида давом этаётган нафосат ва гўзаллик байрами — 62-Халқаро гуллар фестивали барчада унутилмас таассурот қолдирмоқда. Ўтган бир ҳафта давомида фестивалга келган меҳмонлар сони 3 миллионга яқинлашгани ҳам анвойи гуллар кўргазмалари, кўнгилочар ва маданий тадбирларга қизиқиш катта эканлигини кўрсатади.



Заҳириддин Муҳаммад Бобур номидagi вилоят маданият ва истироҳат боғи ёнида ташкил этилган махсус ярмарка эса гул ишқибозлари учун аини муддао бўлди. Бу ерда 270 дан ортиқ профессионал ва хаваскор гулчилар кўнча дўконларини жойлаштирган бўлиб, бозорчадан исталган гул кўчатини ҳарид қилиш мумкин.

— Фестиваль дастури доирасида Янги Наманган туманида фаолият бошлаган “Oxideya” гуллар маркази ҳам шаҳар аҳли ва меҳмонлар учун ажойиб тўғфа бўлди, — дейди туман ҳокимлиги ах-

борот хизмати раҳбари Юлдуз Йўлдошева. — Замонавий кўринишда қад ростлаган мажмуани ишга тушириш учун тадбиркор Абдулла Сатторов 1 миллиард сўм инвестиция киритди.

Айни пайтда марказда асосан Нидерландиядан келтирилган 100 турдан кўпроқ ноёб гул навлари бор. Бу ерда гул ва чечаклар ёрдамида 50 турдан ортиқ гулдасталар тайёрласа бўлади.

Қудратилла НАЖМИДДИНОВ («Халқ сўзи»).

## Ветеринария ва чорвачилик: ИЛМИЙ ЁНДАШУВ ВА ИННОВАЦИОН ҒОЯЛАР

Олий Мажлис Қонунчилик палатасининг Аграр ва сув ҳўжалиги масалалари қўмитаси томонидан Тошкент вилояти Қўй Чирчиқ туманидаги чорвачилик ва наслчилик агрокомплексига “Ветеринария ва чорвачилик соҳасида олиб борилаётган ислохотлар — илмий ёндашув ва инновацион ғоялар амалиёти” мавзуйда семинар ўтказилди.

## ■ Семинар

Таъкидланганидек, кейинги йилларда мамлакатимизда озуқа базасини мустаҳкамлаш, гўшт етиштиришнинг кенгайтириш мақсадида чорва моллари ва паррандалар бош сонини барқарор оширишни таъминлаш, ветеринария хизматлари сифатини яхшилашда алоҳида эътибор қаратиб келинмоқда.

Айниқса, соҳада инновацион усуллардан кенг фойдаланиш, сифатли озуқа базасини мустаҳкамлаш, эпизоотик осойишталик ва озиқ-овқат маҳсулотлари хавфсизлигини таъминлашда илмий ёндашувни жорий этиш борасида кенг қўлдамли ишлар амалга ошириляпти.

Семинарда чорвачиликнинг барча тармоқлари, жумладан, қорақўлчилик, йилқиччилик, паррандачилик, балиқчилик, асаларчилик ва қўёнчиликни ривожлантириш борасида олиб борилаётган кенг қўлдамли чора-тадбирлар ҳамда давлатимиз томонидан яратилаётган имкониятлар, соҳадаги ютуқлар ҳақида батафсил маълумотлар берилди. Шунингдек, чорвачиликда наслини яхшилаш, маҳаллий наслларни сақлаб қолиш, озуқа маҳсулотларини етиштириш учун экин ер майдонларини ажратиш, соҳани қўллаб-қувватлаш мақсадида банк кредитларини муддатига ажратиш, юзага келаётган муаммо ва тақлифларни ўрганиш, уларни ўз вақтида бартараф қилиш бўйича чора-тадбирлар ишлаб чиқиш масалалари юзасидан фикр ва мулоҳазалар алмашилди.

Соҳада салоҳиятли кадрларни тайёрлаш, бу йўналишда мутахассислар ва олимларнинг фикр-мулоҳазалари ҳамда мавжуд муаммоларнинг илмий-амалий ечимлари борасида тавсиялар ишлаб чиқиш бўйича тақлифлар билдирилди.

Қўмита аъзолари семинар давомида “Қўй Чирчиқ сўт бўлоғи” чорвачилик фермер ҳўжалиғи, Италия технологияси асосида йўлга қўйилган “Қўёнчилик ва наслчилик агрокомплекс”и, “Ўзнасчлилик” давлат қорхонаси, “Рустам Премиум” чорвачилик комплексида бўлиб, уларнинг фаолияти билан яқиндан танишди.

Шоҳсанам ЙЎЛДОШЕВА.

## «РЕНЕССАНС ТАЪЛИМ УНИВЕРСИТЕТИ» ҚЎЙДАГИ ЛАВОЗИМЛАРГА ТАНЛОВ ЭЪЛОН ҚИЛАДИ

| Педагогика ва ижтимоий фанлар кафедрасига         |                                                                                            |           |              |                |
|---------------------------------------------------|--------------------------------------------------------------------------------------------|-----------|--------------|----------------|
| №                                                 | Йўналиш номи                                                                               | Профессор | Доцент (PhD) | Катта ўқитувчи |
| 1                                                 | Математика ва информатика                                                                  | 1         | 1            | 1              |
| 2                                                 | Ўзбекистоннинг энг янги тарихи                                                             |           | 1            |                |
| 3                                                 | Тарих                                                                                      | 1         | 1            | 1              |
| 4                                                 | Миллий ғоя, маънавият асослари ва ҳуқуқ таълими                                            | 1         | 1            | 1              |
| 5                                                 | Педагогика                                                                                 | 1         | 2            |                |
| 6                                                 | Умумий психология                                                                          |           | 1            |                |
| 7                                                 | Психология (Амалий психология)                                                             | 1         | 2            | 1              |
| 8                                                 | Мақтабгача таълим                                                                          |           | 2            |                |
| 9                                                 | Хорижий тил (инглиз, немис)                                                                |           | 1            | 1              |
| 10                                                | Бошланғич таълим                                                                           | 1         | 2            | 2              |
| 11                                                | Фалсафа                                                                                    | 1         |              |                |
| 12                                                | Филология ва тилларни ўқитиш (ўзбек тили)                                                  | 1         | 1            |                |
| 13                                                | Инклюзив таълим                                                                            |           | 1            |                |
| 14                                                | Хорижий тил ва адабиёти: инглиз тили                                                       |           | 1            | 1              |
| 15                                                | Одам анатомияси                                                                            | 1         |              |                |
| 16                                                | Шарқ тиллари                                                                               |           |              | 1              |
| 17                                                | Амалий математика                                                                          | 1         | 1            | 1              |
| 18                                                | Амалий ўзбек (рус) тили                                                                    |           | 1            | 1              |
| 19                                                | Медиасаводхонлик ва ахборот маданияти                                                      |           | 1            |                |
|                                                   | Жами                                                                                       | 11        | 21           | 11             |
| Иқтисодий фанлар ва компьютер илмлари кафедрасига |                                                                                            |           |              |                |
| 1                                                 | Дизайн (компьютер графикаси ва бадний фото)                                                | 1         |              |                |
| 2                                                 | Иқтисодиёт (тармоқлар ва соҳалар бўйича)                                                   | 3         | 3            | 1              |
| 3                                                 | Халқаро муносабатлар                                                                       | 1         |              |                |
| 4                                                 | Бухгалтерия ҳисоби ва аудит (тармоқлар бўйича)                                             | 1         | 1            |                |
| 5                                                 | Солиқлар ва солиққа тортиш (фаолият турлари бўйича)                                        |           | 1            |                |
| 6                                                 | Молия ва молиявий технологиялар                                                            | 1         | 1            |                |
| 7                                                 | Банк иши ва аудити                                                                         | 1         | 1            |                |
| 8                                                 | Жаҳон иқтисодиёти ва халқаро иқтисодий муносабатлар (минтақалар ва фаолият турлари бўйича) |           | 1            |                |
| 9                                                 | Ахборот тизимлари ва технологиялари (тармоқлар ва соҳалар бўйича)                          |           | 1            | 1              |
| 10                                                | Геодезия, картография ва кадастр (функциялари бўйича)                                      |           |              | 1              |
| 11                                                | Спорт фаолияти (фаолият турлари бўйича)                                                    | 1         | 1            | 1              |
| 12                                                | Туризм (фаолият йўналишлари бўйича)                                                        |           | 1            |                |
|                                                   | Жами                                                                                       | 9         | 11           | 4              |

Ҳужжатлар (ариза, фотосуратли шахсий варақа, таржимаи ҳол, олий маълумот, илмий даража ва унвонлар ҳақидаги дипломларнинг нусхалари, илмий ишлар рўйхати) ушбу эълон чоп этилган кундан бошлаб бир ой муддат ичида Тошкент шаҳри, Миробод тумани, Абдулла Авлоний МФЙ, Миробод кўчаси, 41/4-уй, (e-mail: [info@renessans-edu.uz](mailto:info@renessans-edu.uz), телефон: 55-505-70-07 (2090), телеграм: 94-668-37-01) манзилга қабул қилинади.

